



Universitätsbibliothek Paderborn

**Consolator Fidelis Et Proficientis Animæ seu
Exhortatiunculæ Spirituales Et Succinctæ In singulas
Dominicas & Festa anni divisæ, quibûs Confessarius in S.
tribunali animam Deum verè quærerentem paternè ...**

Eisvogel, Veremund

Augustae Vindelic., 1727

22. S. Maria Magdalena

[urn:nbn:de:hbz:466:1-52716](#)

422 XXII. Julii. S. Mariæ Magdalena.

Sed nostro cum damno ; quia eò frequentius cadimus.

Instructio meritoria.

Fili ! dæmonem sibi graviter insultantem solo S. Crucis signo à se abjicit S. Margareta. Non simus sine Crucifixo. Portemus in pectore ! Veneremur in cella. Exosculemur in tentatione cum suspirio : *Jesu ! adiutorium meum stina ! Vim patior pro te !* Recitemus psalmum : *Qui habitat in adjutorio Altissimi, in protectione Dei commorabitur &c.* Ne prævaleat inimicus anima in morte , singulis annis hoc festum ait S. Confessione , aut unō , vel alterō mortificationis , & abstinentiæ actu honoremus , & veneremur. Margaret est Nomen ejus, appretiemur !

Festum S. Mariæ Magdalena

pœnitentium speculi.

EXHORTATIUNCULA L

Filli ! Videmus pœnitentem ad pedes Jesu Mariam Magdalenam. Quis sensus noster de tam subitanea conversione , & pœnitentia ? Tantum profuit
ante



ante Jesum sese humiliasse! Capita superba! vos quoque deprime! Quotidie Jesum adoramus, palpamus, imò manducamus sub speciebus panis, & vini: Cur nulla sequitur seria morum conver-sio, & pœnitentia vitæ? Deest fides! Quia non vivaciter aspicimus, quis no-stra i[n]habitet corda? O nos incredu-los!

Inſtruçtio meritoria.

Capita inclinemus, oculos in terram defigamus, gravitati, & modestiæ angelicæ studeamus, dum coram sanctissi-mo Venerabili in Ecclesia stamus, vel oramus. Dum recedendum è templo, pro Custode Tabernaculi S. Mariam Magdalénam relinquamus, utque interim, dum abfuerimus, cum tota cœ-lorum curia adoret, laudet, & glorificet Jesum, fraternè supplicemus. In reverentiam tanti obsequiū festum hujus Sanctæ semper præveniamus nocturnō jeju-niō cum illo psalmō: *Benedic anima mea Domino &c.* O devotionem ani-mæ fructuosisſimam!

II. Se-

II.

Sicut sumus Mariam in peccando sequamur & pœnitendo, ac amando, ut vel sic cum ea audiamus in testulo, & horâ mortis ex ore Divini Iudicis: *dimissa sunt tibi peccata; Quia dilexisti multum.* Hac vox promissa est serio pœnitentibus.

Instructio meritoria.

Misereamur ergo animæ nostræ; misereamur & aliorum gravissimorum peccatorum, pro quorum illuminazione, compunctione, & conversione coram Sanctissimo, vel aliquo Crucifixo recitabimus *Septem psalmos pœnitentiales.* Addamus & unum vel alterum actum rigoris, & discretæ austерitatis. Peccavimus in carne! pœnitemus quoque de carne.

III.

Quod quondam periclitanti animæ hoc dat & nobis monitum S. Magdalena, quæ ita ad misellum: *Hactenus, quia coluisti me, pro te fui apud Deum in cœlis mediatrix, & advocata. Surge jam, conscientia noxas detege, pœnitentiam*

tiam age , nec ego te deseram. Quis sub
tanta Patrona vivere , vel mori timeat?

Instructio meritoria.

Ab hac die discamus S. Magdalenam
venerari, certam hujus imaginem nobis
procurare, vel etiam ad aras hujus No-
mini sacras frequenter invisere , & quo-
tidie pro impetrando perfecto horrore
omnis peccati , solido sæculi contemptu,
& puro ac genuino Dei amore magnâ
pietate & affectu expansis brachiis tria
Pater, & Ave cum totidem Gloria Pa-
tri &c. persolvere statuamus. Deus ho-
noravit Magdalenam: Cur non & homo?

Festum S. Jacobi Hispaniæ
Magni Apostoli, & Protectoris.

EXHORTATIUNCULA I.

SUmusne amici Christi? Dilecte! Fuit
S. Jacobus, qui & usque ad mortem
Magistro in fide, & dilectione fidelis ex-
sticte. Quam benè Cassiodorus : *Qui*
verè amicus est, omni tempore tam sere-
no, quam nubilo diligit. Eum non se-
parat tormentum, labor non laxat, the-
saurus non superat, alienus amor non
occu-